

瓶水齋主詩集

餅水齋詩集卷十五

大興舒位立人

重光協洽

良鄉

曉出良鄉縣飄然雪一車凍禽飢嘯侶老樹醜開花官騎逢
梅驛公羊賣餅家思量夢蝴蝶頗悔讀南華

涿

十五長亭路雄州百雉連積陽西嶺下霽雪大橋邊鐙火明
雙轍琵琶凍兩弦今宵歌獨漉魯酒不成眠

定興

黃邨間白溝溝水繞邨流山月殘橫轡林風冷撼裘十年春
夢杜五字曉行劉忽憶張公子辭家作浪遊

懷張九溥雲時以教習期滿謁

選吏部張
定興人

安肅

易水東流去若若築一城當年求七首從此送荆卿關塞長
虹氣衣冠變徵聲驅車重懷古成敗豈功名

清苑

清苑城如畫漁陽接范陽馬頭風獵獵鴉背日荒荒紅字新
開店黃烟古戰場飢來驅我去白菜似人長

定

路入中山府人乘下澤車酒思千日醉國後七雄除紅玉藪
難琢青山壘尙餘到門塵撲面風月好名虛

清風明月店
皆州所屬

新樂

小縣過新樂松牌驛路分城空晴掃雪山遠淡疑雲地狹溝

渠廢天寒奧竈勤攔街邀客轡坊屋正斜曛

正定

懷古常山郡將軍太守間一身膽是趙三寸舌爲顏佛坐龍
興寺人行倒馬關滹沱河裏水到此尙潺湲

趙

傳舍經三憇陰晴春夏秋者回當歲暮此事幾時休畫壁水
千載談禪茶一甌雨花菴外雨花雨雨花不

柏鄉

厠上柏人名蒼黃走以脛誰知中興日復有千秋亭河流野
槐合山迤太行青冷嶠絕迎送黃泥塗戍瓶

內邱

夜欸石門塞開門上石橋荒雞雉遠夢枯樹戰狂飈新婦帷

三日詩人酒一瓢
天明鵲山近
靄靄指單椒

邢臺

邢臺稱後趙可惜上東門
牆下王夷甫閣中山巨源
春秋十六國道德五千言
逝者如漳水誰揮麈尾論

沙河

億萬恒河劫搏成一縣沙
無風天蕩蕩有日雨些些
灰黑昆明火塵黃瀚海
杳琴聲渺何處歸雁一繩斜

邯鄲

寂寂叢臺下滔滔洛水濱
才人嫁厮養名士列仙真
學步喚餘子居奇得異人
竟無絲可買難繡此君身

磁

飯訖滏陽驛臨流重惘然
不知求水利空費雇山錢
青殺三

洲荻紅收萬井蓮
鄜元誠酷吏無礙著書傳

安陽

攬轡安陽道難尋
畫錦堂逢時成仕宦絕代論
文章南渡三
亡國中原百戰場
後來園記好可惜是他鄉

湯陰

殘夜漏沉沉城開古蕩陰
欹橋霜滑馬禿樹月窺禽
麥飯三更飽
篝燈四壁深
因過鄂王里擊節記前吟

汲

墨子迴車地黃河入海時
朝歌逢味爽夜飲失干支
衛國刪詩信周書破冢疑
但教懷古蹟定不合時宜

淇

淇水環城北涓涓不受塵
相逢遠行客愁殺古詩人
渴可攜

茶具閒應理釣綸當年呼渡處曾濕幾車輪

延津

酸棗秦時縣香臺又一重但聞河改岸豈有劒成龍飢啄空
城雀寒生別寺鐘可憐太叔段從此出奔共

祥符

渡河三十里城郭近祥符守歲逢今夕流年懷此都更闌仍
仰屋明發又歧塗問我情何似青絲雙轆轤

元默涪灘

蘭陽

赤馬呼宵濟黃雞唱曉升雪晴千樹絮風厚半河水西笑趨
歧路東昏指廢陵欲尋賈魯跡徧訪竟無鷹

濟甯

假道出轡縣紆程入濟州
轅駒何局促林鳥亦鈎輶
人日新車轍詩情舊酒樓
春風似相識吹我黑貂裘

春雨清河賦
風帆燈檣圖
宛平地
湖邊重山
數墨泉
漁舟草堂

理棹來南岸停驂別北隄
訛成三豕渡踏破一鴻泥
事悔前期拙詩多隔歲題

中天看月色脈脈向人低

自汴至此凡三渡河

文自山陽颯風聲
對水登臨感
對千巖
春雨餘
春柳
柳絮

試問通淮瀆東流爾許深
人家低碧海土價賤黃金
此水清難濁所云古異今
叩舷鳴釜底何處訪胎簪

寶應

長城
只一
空餘
數
水
清
苔
陂
林
竹
煙
水
清

不覺望洋歎空傳得寶歌
鱗宮如不隔雁戶亦無多
閔議輸三策支流失九河
憑誰銜木石彈壓此烟波

高郵

菰葑
曲
官
數
半
愁
出
濫
不
日
我
與
河
海
賦
思

東指高郵路荷花曲有塘連年愁汎濫不日作隄防新婦思
移竈鄰翁議築牆願君休打鴨當道有鴛鴦

江都

好在揚州月如何只二分銷魂何水部落魄杜司勛味外詩
三昧歡來酒半醺莫看人富貴我亦一浮雲

丹徒

夜泊瓜洲渡風聲挾水聲朝過揚子渡春雨雜春晴舟楫慣
迎送江山閒有情青錢一百四直到潤州城

丹陽

春雨落江湖扁舟欲畫圖波平帆影重山遠墨痕麤岸草微
垂綠林禽暗自呼停橈問前路鄉語聽函胡

武進

三日江東雨春陰壓舵樓禽言泥滑滑人夢水悠悠燈火高
城見鐘魚古寺修檣舟亭畔路檣此一扁舟

無錫

悠然見惠山山靜一船還天水晴雙鏡烟雲曉一鬢麴堆金
井重茶品竹鑪閒風利不得泊其如潯墅關

長洲

關吏坐蕭晨開關不稅春歸哉今日事康了隔年人老母自
逢吉山妻能食貧青紅小兒女爭拂阿耶塵

中春自吳門理櫂入越舟中口號

十日春陰半日晴半晴半雨百花生年年有箇花生日強半
題詩在遠行

春來王粲慣登樓留得閒身作浪遊花事剛教指吳會酒痕

依舊認杭州

送人作郡自年年似愛名山入剡船誰信東塗西抹手且來
細字寫蠶眠

渡江作

三渡錢唐去無端四十年天催兩潮汐人坐一江船細雨春
帆影青山隔岸烟夫差水犀手對此亦茫然
西興驛前路猶署望京門野草自春色江潮無舊痕籃輿三
里健烏榜一鏡昏明日山陰道詩情與細論

蕭山道中詠西施

何處芣蘿邨天生此麗質人言西施能沼吳不知西施實沼
越越王始用范蠡之陰謀甘與吳國爲仇讐闔閭將指拍櫂
李伍胥目睛抉屬鏤吳王采蓮花越王采岑草越王口臭吳

王香吳王但道西施好范蠡進西施金錢看吳市范蠡載西
施亦取黃金鑄苑蠶蠶乃出三江入五湖贈君以遁甲開山
之圖九天玄女之兵符玄之又玄歸而逋其日神將虛擊孤
疑將竊妻以逃者是爲後沼越先沼吳西施不來吳不滅西
施不去越不絕吳亡在春秋越亡在戰國越王烏啄吳王墨
西施越女天下白須臾亡國破家蒙不潔一片無情浣紗石

青籐古意詩

徐文長故居在山陰縣境之觀巷今爲陳氏宅十峰
茂才頃以青籐古意集見示徵詩爲題四首

略似淮南杜牧之此人恨我不同時頗從冷淡求生活賸與
疎狂作總持史筆青剛仙鬼佛酒杯紅入畫書詩秀才康了
將軍去一樹飄零有所思

可憐富貴已浮雲不覺烟花又夕曛跋扈千秋窮措大揣摩

八月爛時文彭亨豕腹誰無負讚歎龍天自不羣謂趙文華蓮池大師

同見賞於提學副使薛應旂已而趙掇巍科沈歸空門當時早有奸才仙才鬼才之日獨有孤蹤無著

處商量羅隱與劉蕡

感恩知己兩無言夜半軍門畫角翻上客文章祥得鹿中年

絲竹慘啼猿鼓鐘豈作爰居享木石難填精衛兔誰識南州

徐孺子生芻一束淚潺湲

酬字堂開此不貧勝教卜宅買芳鄰遙鐘促漏叅奇計破帽

殘衫為寫真老屋百年三易主名山萬卷一懷人青籐若擬

青蓮後捉住龍蛇泣鬼神

文種墓在府山龍湫下

不出三江入五湖黃泉碧落一杯無山開後至防風氏浪卷

前潮伍大夫術數有靈天亦忌功名太盛勢尤孤西施網得
疎難漏一劍南陽悔沼吳
晉人蘭亭懷古
文不收蕭世子書忽賺蕭御史狼藉昭陵蘭一紙巧偷豪奪
米漫土依樣葫蘆趙承旨雁門本無雁蘭亭亦無蘭可憐三
月盛觴詠不覺半壁殘江山處堂者自怡倚門者或嘯獨不
見中軍將軍王逸少一書遺謝安再書答殷浩會稽王牋亦
屢報終遺羣臣上尊號凡此真蹟皆不傳乃獨聚訟臨河篇
將軍經濟掩文字山陰道士籠鷲至

大寺 青林寺 垂絲 縣 針 寒 興 育 慈 恩 海 山 西 世 骨 蓮

一樹冬青抵白楊人間天上各滄桑不知降表如何寫卻捨
天魔作道場

茂陵金盃變浮雲蝴蝶飛來記錦裙難得招魂唐義士可憐
晞髮謝參軍

大年年月淚連絲親拾寒瓊有夢思何處青山可埋骨袈裟
猶挂萬年枝

誰遣攀髯五國城蓋棺消息一鐙檠青衣已敝紅兜出馬肉
何曾便得生

居然飲器用頭顱偷得驪龍頷下珠浪受虛名傳道學南朝
一切一浮屠

朱酉生秀才綬出示登香鑪峰絕頂之作因題其後

乍入山陰道如泊潯陽郭悠然香鑪峰烟雲起樓閣謝客一
雙屐孟公五字詩君今凌絕頂宛我臥遊時

三月晦日會稽郡齋看雨

頻宵風雨聽雞鳴忘却身猶在
市城春有歸心花自落庭無
行迹草叢生名山豈爲鱸魚膾
布鼓難欺霹靂聲獨向抱珠
亭上望驪龍眠處亂雲橫

郡齋題劔南詩集

蚤膺鏤廳薦丞相惡其人晚作南園記
丞相重其文當世無賢豪進退皆失身
彼二丞相者誤國之庸臣我讀劔南詩
適在放翁里快閣山蒼然沈園柳老矣
人如杜少陵事異朱翁子長留天地間
乃至無老死編修樞密院待制寶章閣
君恩自始終國事殊憂樂符離久喪師
武夷歸講學往往見詩歌抑塞以磊落
杏花少年夢梅花歲寒情酒杯泥田父團
扇畫先生科第放風漢除非陳阜卿屈宋
作衙官庶幾范致能

禹陵

首出神明數在躬山分南北水朝東靈承四海敷文命蠢伐
三苗紀武功先甲痛心占幹蠱後期揮手戮防風萬重玉帛
思王會一卷金書鑿鬼工傳子謳歌益避配天俎豆與堯
同陳疇早協元龜卜鑄鼎能教怪象窮別有荒唐開九尾須
知付託閉重瞳放巢慙德原稱變霸越陰謀也自雄野史幾
時殘紀竹谷神此地儉留桐佳城鬱鬱瞻雲氣片石乾坤共
始終

賀監祠

四明狂客放歸田一曲烟波去渺然從此醺醺終日醉不須
騎馬但乘船

青紛塘頭知貢舉黃雲城下謫仙人酒船不到稽山路捉住
空江一月輪

如此頭銜痛飲時督郵從事步兵知當年開甕徵鄉味定是

誰家好女兒未幾集幕當說燕舞何數歡笑水寒山與

彭知山陰歸舟

西郭門邊路烏篷雨後開三更殘月上兩岸濕螢來晨入蕭

山縣城樓枕水隈欲題三百顆不見白楊梅

來是花生日春風一半強飢驅過寒食觸熱近端陽節物虛

馳逐烟波接混茫布颿無恙在依舊渡錢塘

何處鄰船笛塘西乙未亭前期春水綠殘夢舊山青詩味杯

中月年華鬢上星黃門益棺日小品法華經過塘西感憶宋茗香助教

臨平山下路五月蕩花禪江水連湖水吳船換越船上弦平

望月一角太湖烟慣聽儂歌起紗窗枕手眠

移居詩

傲屋查橋忽忽五稔今春牆圯移具於來遠橋則天水氏之舊館也已而書來屬遷乃復賃居於長洲縣前蓋至是已三易其處矣然祇半載耳

滄浪亭畔舊慈烏京洛三霜尾畢逋下第文章似招隱滿城風雨況催租若教露處慚非兕便作雲遊每憶鱸不覺吹簫成故事伍胥祠廟一隣孤

來遠橋後街爲伍胥祠

道南借宅周公瑾廡下傭工梁伯鸞鳩占一枝初計拙鷗馴萬里舊盟寒幸攜東野車猶少欲卜南邨事轉難失笑杜陵營廣夏匠心畢竟未能歡

連城如畫古長洲草自蕭蕭瓦欲流烏鵲橋邊逢七夕金獅巷口載扁舟未妨巢幕驚歸燕較可還鄉笑沐猴但與諸君作吳語出三進四費牙籌

明鏡高堂月一圓蓬頭椎髻各欣然小人近市門非海秋水
當窗屋似船息壤前盟知此意立錐轉語到今年全家都道
樓居好或者逢時謫作仙

深柳讀書圖爲單健堂運判

壯圖

題一十六歲小影

憶昔初見在黃樓黃河之水東西流當君東郡趨庭日邀我
西窗翦燭秋明年一舸還吳會是爲疆圉單闕歲卜宅猶居
廉讓間論詩恰在酸鹹外中間離合凡六年我忙舉子君當
官我方失意三條燭君亦掉頭七尺竿相逢依舊人如玉出
示前圖一十六桃花色色柳絲絲圍住牙籤三萬軸人生難
得讀書時我又見獵來題詩青衫從事佳公子白髮懷人老
畫師圖爲華冠
吉厓所寫英雄髀肉唾壺缺神仙骨相熏籠立留我吹
簫老面皮還君把卷好顏色

開門七詠

柴

萬家烟火食難寒東楚綢繆及夜闌炊桂交遊三倍利熟梁
殘夢一灰乾積薪畢竟誰居上伐木深慚是素餐失笑阿奴
真下策青琴燒尾不能彈

米

耕田識字兩無功三食神仙腹屢空萬里山川論馬援一橋
杵曰賃梁鴻象形何不問蒼頡辟穀除非從赤松消受百年
粗糲事短簫吹入市當中

油

銷魂曾與賦冬釭安得蘭膏膩一江蠟淚堆殘歌舞地鐙花
開近讀書窗衣難代瓦青圍幕事不如人碧擁幢可惟年年

齋素具但將詩句打成脍

鹽

府海功名劫火譁難從冷淡覓生涯養成竈下中郎將煮出
人間富貴家黑白一盤空幻虎官私兩部各鳴蛙誰知駿馬
千金骨日費精神負此車

醬

南越唐蒙絕使星西王何處覓元靈酸鹹以外三升豆區蓋
之間一卷經名重葫蘆依有樣病欺芍藥贈難馨長官水色
君休笑附傳龍門也汗青

貨殖傳張氏以
賣醬而愈侈

醋

酒酸難售水難回左味真堪舉茂材薄俗并無鄰可乞閒情
疑有室相猜神仙位業饞留棗宰相羹湯渴望梅張觸後園

私語處風幡不動萬花開

茶

穀雨清明取次過采茶人少喫茶多開花日日鶯啼樹飲水
家家鼠滿河飯顆山頭飢欲死酒泉郡裏醉時歌不如自聽
餅筵曲消渴文園柰爾何

題臥雲做陸復紅梅卷子

疎影修簫白石詞變宮八十一胭脂祇應貫酒羅浮去月落
星橫頰頰時

芙蓉簾幙海棠巢未抵珍珠慰寂寥十丈紅塵飛不定又隨
春色上花梢

年年芳信負東風換骨丹無一點通賴是夢中傳綵筆畫工
容易奪天工

夜雨泊崑山城外

舊聞蘇軾補筆之贊樂一閱故長谷

又聽風雨做重陽小泊扁舟興不忘五百年來才一瞬無人

知有玉山堂東坡入鐘鼎琴心也此圖合韻戲玉買且書畫

將之曰下寄別松江郡齋諸君華翰題所必錄師餘論

直為鱸魚自往還剡中歸後又雲間半年蹤迹欺萍梗四海

交遊攬佩環城郭再來偏鶴化松郡齋向參一鶴康茂園先生權郡時所貽嘗築亭居之

今亭猶在而鶴蛻久矣而江湖前約媿鷗閒所欣俯仰無尋處青殺橫雲

一點山點山

秣陵江上暮潮寬翦取吳淞入夢看會合因緣天最吝別離

消息歲將闌師儒雅望推高密謂陸僑南郡博王理堂縣博主客清遊憶

建安郡齋何芸生吳春喬宋韻平三茂才更語雙雙饒太守

未償詩債兩尖團陳桂堂朱意園兩太守前招食蟹

品茶圖

酒德近於春茗德近於秋水是第一泉人必第一流我如不
勝三蕉蘇長公亦復過於喫至七椀之盧全然而平生足跡
半山海酒債尋常茶事每有時受人一飯恩無處飲人一杯
水露不賜馬相如雪不掃党太尉但讀茶經寫茶錄黃梁已
熟茶未熟贏得三生杜牧之惟見茶烟颺鬢絲太原公子杭
州家邀我題詩似小茶二月種茶樹八月開茶花昔把西湖
比西子慧山中冷不足誇我將龍井下龍女密雲團月無須
譁玉壺買春春不賒銅瓶汲水咽井華籠頭何必紗帽紗斂
手少許鹽薑芽活火蟹眼琴沙沙此圖合貯滄江貫月書畫
槎我是喝睡漢逃水厄鬪墨墨不黑鬪茶茶不白有酒時學
仙有茶時學佛偶然讀畫動禪悅餅笙之聲樂一闋如是色

香味三絕不可思議安可說直須參透趙州關與君稱讚茶
功德

吳門奉別周東岡太守

秋風門巷奉清班疇昔傾心乍解顏
早向長沙來海曲又從吳會指雲間
梅花東閣何隨府芳草西郊李義山
難得相逢容易別一篇漁父太闌珊

吹簫彈鋏各成聲忽唱楊枝遠送行
流水青山才子語鱸魚蕞菜故人情
中年仕宦基留局下士文章餅噉名
地位絕殊心跡在只應低首謝宣城

題陳廉舫孝廉品石圖

品石圖成開石面一卷石交題欲徧
直疑東海袖中來又從羣玉山頭見
丹青削出金芙蓉孰爲畫工孰化工
但覺礪礪

而落落二十八宿羅心胸平泉甲乙誰醒醉石不能言發光
恠君如肯作思話賞我亦甘為米顛拜洞天一品標格高會
昌一品功名豪泰山之雲膚寸合期君徧雨來崇朝

瞻園雜詩竝呈陳仁山方伯

招鶴青山曲騎驢白下門一中逢北海三上得西園香火干

秋肅烟霞六代存絕勝短主簿捨宅記巢痕江甯藩廨為明徐中山王居第

園在西隅中為公署東殿後七間樓奉祀中山竝塑像焉

高閣茗亭際疎林掩映中清心泉滴瀝頰首石玲瓏池影躍

紅鯉松聲搖白龍西窗官樣紙夕照愛三冬心來曲又

已轉千盤徑仍登百尺臺烟中孤塔出天際大江來桃葉因

風想梅花竹雪開蒼茫詠詩意絕頂媿非才

挹翠樓開處閒來一倚欄空籐少瓜葛古井不波瀾井闌有清熙刻

潭冷修竹得秋氣孤桐生暮寒牙籤三萬軸坐擁百城看
松石蕭常侍雲烟王右丞琴聲何落落畫境亦層層雜與花
爭發清談鳥欲鷹更攜銀海月來映玉壺冰

句容道上見雪

句曲山前雪作花驪駒聲裏路沙沙天公自種豐年玉愁殺
寒林萬點鴉

路轉峰迴濕有泥石橋斜凍一條谿此山風骨嶙峋甚也被
天花壓得低

茆庵佳處一鐘催絕頂閒雲逐漸開若向輞川摹霽雪四山
粉本夕陽來

餅水齋詩集卷十五

...

...

...

...

...

...

...

...

餅水齋詩集卷十五

...

餅水齋詩集卷十六

大興舒位立人

昭陽作醜

初春句容道上作

去年從此還山隱雪羣積今年從此來雪盡山獨立憶昨天
同雲滕六逞雄力掩映寒江姿遮攔好山色陽春俄轉旋我
是遠行客看山山有靈踏雪雪無迹詩思驢背空行蹤鴻爪
畫甯爲今日山莫作去年雪

題羅兩峰鬼趣圖

第一幅一鬼碩腹一鬼半身

忽然公子彭生見狹路相逢逸其半雌雄撲簸難具詳或者
李浴姬肚徐如妝此腹何所有陳陳太倉積彼體何所無

善巨靈臂乃知奇醜莫如鬼三斗爛腸尺八腿對影聞聲定
可憐噬臍割臂相周旋

第二幅一鬼鮮衣科頭一鬼奴赤體著帽相隨

生卽彈冠死脫帽袷服九原正年少平頭奴子岌岌然彼我
易觀更相笑君不見主人衣服麗且都其僕乃至寒無襦主
人黑頭僕赤體粉墨慘澹丹青龕爾何不作徐甲謝老子但
見鼻涕一尺困苦乞爲奴如此猶復乞爲奴鬼或有之人則
無

第三幅男女二鬼相謔旁立無常使者

鳥之雌雄馬之牝牡任團是何蟲豸董龍是何雞狗亦復形
影贈答魂魄邂逅是耶非耶嘉耦怨耦不知有天高地厚但
知有天長地久五百羅漢降龍伏虎不能爲之守十八地獄

牛頭馬面不能爲之走此是婁豬艾豨逋逃藪過去未來現在三不朽但願雙雙一回首白衣冠者出其右吁嗟乎鬼死爲甞有時有

第四幅一鬼植杖而坐一鬼以巨觥進酒

杖頭索索飛紙錢舉觴白眼無青天大鬼昂藏小鬼伏誰識吾公在壑谷舫船一棹不負公醉鄉捷徑泥犁通游魂爲變莫須有糟魄之義將毋同劉伶墳上土花紫日飲亡何餒而已生前骨醉鳩鳥媒死後腥聞鮑魚市若使黃泉化酒泉酒星在地不在天舖糟啜醢亦大快初三初四殊欣然

第五幅一巨鬼長身綠毛口眼歎血兩峰於焦山僧舍見之

一尺之面七尺軀且爲老僧立斯須適從何來遽集此風毛

兩血長不死海山蒼蒼江冥冥巖樹深黑龕鐙青赤郭八百
馘九首賜之鴟夷走以脛奇奇恠恠千秋萬歲休挪揄常娥
媚防風之骨耶僑如之魄耶吳道子之筆耶

第六幅一鬼長頭鞠躬二小鬼驚避之

賈長頭范長頭冬烘先生死不休其行次且曲如鉤尻益高
腰可折郎當郎當何處來侏儒侏儒忽驚絕眠蠶何瑟縮承
蝸何痾瘦頂踵守三彭膏盲逃二豎且來相背淮陰侯慎勿
責頭秦子羽

第七幅羣鬼冒雨驚走一鬼張傘蔽之傘甚破

倉頡造字天雨粟有粟不食鬼夜哭漆城蕩蕩十八重賞雨
何曾有茆屋淒涼羅刹閣浮提況乃代瓦無雨衣天雨雨人
濯骸骨地雨雨鬼洗魂魄一鬼驚而馳衆鬼濕及之復有一

鬼撐破繖毋亦傾蓋稱相知問鬼往復何所役平生能著幾
兩屐今雨舊雨徒徬徨行尸走肉不見閻摩王

第八幅背仰兩骷髏

腦不伏而豎腹不坦而張去放下臭皮囊收還食肉相丁男
玉女何因緣橫自陳兮君之前翻手作雲覆手雨昨日流鶯
今日蟬莊列寓言十之九至此圖窮見匕首朝生暮死萬蟬
螞天荒地老雙骷髏上有烏鳶下有蟻神仙小影英雄記死
灰槁木不直錢祇可漆其頭以爲飲器

頊道存孝廉紳寫廬山一角於便面見貽作詩謝之

香鑪峰下泊江船記得襄陽孟浩然可惜當年高詠處不邀
摩詰到開先林東真面圖綠陰飛瀑聽移時一角青山絕世姿獨向秋豪顛上寫只愁

不稱我題詩

金光黛色二林東真面何如便面工不用動搖懷袖裏涼颺
已起樹當中

喻東白大令

宗嶠

屬題梧陰書屋圖

一畝之宮百尺梧蕭然秋色相扶疎吾瞽妄念自結習未嘗
造屋先畫圖圖成不向圖中住天涯海角仍飢驅五斗折腰
既無米五車觸手惟有書抱珠亭上初相識春風又坐瞻園
石假饒君竟老梧陰安得相逢數晨夕人生去住各有緣吳
頭楚尾屋數椽憶我玉鑪三澗雪敝居齋名滿城風雨催租錢君
今買山山不足君若讀書書可讀妙手能從北苑摹素心自
向南邨卜未勞朱碧更相夸只寫丹青已不俗且須小待三
千年但有此圖無此屋

暑甚偶然作

積雲馭驕景蒸雨如熱湯遲遲異春日暘暘殊秋陽明知威
太甚勢必不久長柰其方執柄氣燄莫敢當側聞翠微亭有
山名清涼徑欲蠟雙屐天風吹我裳

一蠅集俎上終日不得食一蚊入帷中終夜不得息驅之仍
復來殺之已無益小人不在多終必誤家國要當屏腥羶且
宜嚴出入患至而後防乃是下下策
揮扇尙不足解衣始相宜設使熱不減勢將剝膚皮人心無
定向輒爲寒暑移豈知蹈湯火涉世甘如飴耐者乃可久靜
者乃見幾一熱不能忍何事可以爲

題道存畫八頁

山深林密水悠悠占得人間一種秋摩詰烟雲當供養幼輿

邱壑易勾留若教便買三間屋未必輸封萬戶侯只恐催租

漏消息何年滿壁畫滄洲

秋林茆屋

龍蛇百尺姿猿鶴千歲壽古木與高士乃是真良友臭味不

差池合傳丹青手

枯木高士

人遊世有收繪卷以入情

疎柳不添烟蘆花淺水邊絕無人到處一箇釣魚船夜雨江

湖地浮雲富貴天西風鴻雁路付與李龍眠

柳陰漁艇

分明山雨欲來時山下人家冷未知若更有人嘲熱客祇教

讀畫不題詩胸中已自無六月腕底乃復有千秋小窰邨

中未解事此是滄江虹月舟

做米家山

畫山能畫山外天畫樹能畫樹裏烟是何神妙恣游戲酸鹹

之外秋豪顛董源皴法有所受大癡酒瓶落誰手不妨筆陣

誚重儻我亦史公牛馬走

谿橋晴翠

微雲自作秋色皓月全非世姿此景是誰領略石田時復爲之
梧桐秋月

庶幾千載乃有斯人何可一日而無此君是山陰渚是王官
谷左之右之其人如玉
左右修竹

送道存還浮梁

讀經十三部不願爲章句讀史四千年不憚爲考據誠恐有
用書讀徧無用處若但弋科名自有逢時具彼亦一絲繡此
亦一金鑄寶不稱其名此吾所大懼三年軟紅塵未嘗與君
遇及此秣陵遊一見遂雅故道義崇其根文章作之寓主人
况愛客客亦安其素嬉春春已往迺暑暑亦去歸興忽迢然
秋風在庭樹相逢既有緣相別自有數黯然者銷魂不在去
與住胸中萬卷書足底萬里路世味混榮辱交道雜毀譽豈

無倚爨聽亦被入宮如謂君善書畫謂我工詞賦此豈吾輩
長一顧而再顧又豈吾輩福一誤而再誤秋山淨無塵江水
平可渡臨歧贈以言聊為驪歌助君歸拜高堂婦子于時語
漪南漁隱圖是中有深趣讀經經有傳讀史史有註勿讀白

香山解者惟老嫗

初秋夕與道存廉舫坐瞻園水西亭話雨

秋雨洗秋色西池生夕陰水流三徑暗人坐一鐙深時物驚
彈指文章感寸心歲寒盟不負棖觸起微吟

楚尾吳頭路江東渭北詩最難風雨夜猶未別離時魚響池

光散蟲鳴石氣滋平原商舊約十日不嫌遲道存將於朔月東
裘廉舫更約

以初九

松石澹相賞猶勝桃李園琴樽從所好車馬不能喧折節論

交誼操觚紀事原我雖枵腹者豈敢食前言
蔣于野明經屬題虎邱倉聖祠圖

上帝文章左史家青山綠水有光華獨開俎豆千秋業全寫
樓臺七里花從此鴛鴦多識字只留獬豸與驅邪學書自媿
無成處日送遙天點點鴉

西轡藤枕篇

始甯陳氏秋轡日錄載明熊經略廷弼既逮入獄其
臥處有一藤枕每晚人靜禮北辰則取此枕焚香供
焉已而刑有日神色不變怡然赴市就刃時奉有傳
首九邊之旨西轡郎俄錄其首則法場中空無所有
但見一藤枕大駭相戒勿洩而亟密報魏奄命取熊
氏家人拷問大索竟無所得遂祕其事而九邊所傳

之首蓋非經略真顛也崇禎初其子兆璧連疏請首
歸葬得允亦明知非真借消冤案而已

西市朝衣慘無色忽然夢入飛頭國九仙之枕李長源一軍
之甲段秀實遼東三萬古戰場君門萬里天茫茫將軍大樹
化碧血神仙小說炊黃梁焚香夜拜圍扉裏南斗注生北注
死故應氣奪九邊兵可惜詞連六君子咄咄人心卽天意頭
責之文豈遊戲且爲奇冤作解嘲獨教野史存清議君不見
嵇叔夜顏清臣曲肱富貴如浮雲廣陵散未絕此曲南城記
乃留其文

送客至莫愁湖上遂登勝棋樓有作

丁字簾櫳井字樓畫船搖出一城秋十年飄泊纔湖上

甲子歲來

金陵未嘗遊此

六代銷沉此石頭謾道佳人難再得祇應少婦不知

愁栖鴉流水空消息留作詞場考異郵

如此湖山孰總持英雄兒女兩分之千秋顏色歸圖畫百戰
功名似奕棋采石磯前魚潑刺鬱金堂畔燕差池滄洲滿壁
箜篌引唱徧楊枝又竹枝

挹翠樓後梧桐一株百年物也頃忽自歆廉舫製以爲
琴作詩誦之

會上元龍百尺樓銀牀葉落又經秋分明絲竹都堂夢天海
風濤一夜收

知音容易賞心難捉摸龍蛇避鳳鸞解辨勞薪賦枯樹更誰
肯取作琴彈

十年種樹百年聲難與箏琶競此名好待梅花開斷後千秋
萬歲有移情

嘉慶十有八年秋九月河南山東直隸奸民同日作亂
而黃村別賊復結近畿市井無賴竝潛通太監直犯

西華門雷厲風行登時禽滅至臘月而三省悉歸蕩平
矣夫發難蔓滋於內外而鋤惡株絕於日時自非天

佑 皇威交相感召未克與於斯也謹爲詩紀事六首
蝨爾爲牛後狡焉相犬牙兩河黃鷓子一縣白蓮花轉戰來
楊業聞名獲呂嘉至憐強項令首爲發奸邪

單縣連轄縣橫庚出濟州登堂琴絕響入社鬼同謀間道馳
狼狽癡符役馬牛誰當名士者劉秩亦無儔

十六雄州在三千勁旅馳誰驅民作賊乃以吏爲師失馬甯
非福亡羊或未遲汝轄果何意盜弄此潢池

執挺趨慈慶持弓入建章須眉燒霹靂芒角動欃槍變事非

天意 神靈在 帝旁恭聞 寬大詔中外起徬徨

宦者四星赤西南忽隱淪此都亡賴賊彼婦不祥人貞豈黃
門見妖從紫閣徇駢誅點鬼簿袞袞軟紅塵

一月聞三捷千門送五窮不須楊柳雪何苦馬牛風神速兵
機貴昇平世運隆饒歌春律競恰與歲成功

闕逢閣茂

項道存瞻園挹翠樓圖爲陳廉舫屬題時廉舫將發太
原道存已還浮梁卽以送別竝懷道存

酒闌曾見此圖成及到題詩又送行六代跡銷憑畫取一年
人住覺情生卽看東閣招賢地恰稱西園雅集名三晉雲山
九江水歌離思舊各屏營

阻風燕子磯登永濟寺題壁

城裏烏衣巷江邊紗帽洲蒼茫三日泊落拓一年遊鐵鎖因
風想珠簾隱月鉤不知雙燕子能解話春愁

山寺雪初霽開門蠟屐過幾行閒鳥雀一樹舊杪羅茶味禪
枝靜詩情壁蘚多榜人催放槳恰趁晚風和

過黃天蕩演韓蘄王與金戰事

青龍鎮上來老鶴河邊濟焦山寺下船金山廟中騎伏發洵
人謀跳免殆天意助之將軍妻擄其大王壻故道鑿雖通新
城擊更利淮西趨未能江北援不繼相持黃天蕩此一大關
係可以收四京可以歸二帝上將俄成功下士忽獻計四十
八日中一敗竟塗地風雲銷壯懷玉帛競和議使馬猶長流
騎驢乃短氣

春分日雪

入春四十五日許強半春風又春雨昨朝種樹及春分百舌
無聲雙鶴語杜陵布被冷於鐵夢墮瀛洲餐玉屑醒來獨立
白蒼茫一句詩成催一雪前過燕子磯江岸天花飛泊舟三
日鐵鹿子羊裘擁浪欺羅衣迴櫂來長洲閭門瓦欲流江楓
漁火悄無色但見積玉射我眸三冬況未見三白凍過花朝
雪轉劇不凍梅花凍菜花并恐不能辨菽麥浮雲浩浩春堂
堂一百五日寒難量穿窗祇覺風有隧仰屋稍喜星無芒安
得快雪時晴早窮簷徧賜黃綿襖不然夜入蔡州城打起一
池鵝鴨惱

周實夫明經

鳴鷺

采藥圖

不作葛勾漏世外神仙自老壽猶作陶通明山中宰相皆長
生君今示我采藥圖知其說者獨有吾吾瞽形貌無足記懷

抱瓮與凡庸殊凌烟閣上丹青筆參同契中黃白術二者往
往難可兼如是世間一切疾神農赭鞭驅百草俞跗生吞無
一飽不見三山徐市還又看雙鬢麻姑老飲食資身過生患
衣服稱德侈生慢此時東海紅塵飛此際南山白石爛產藥
之地無處無采藥之人誰與俱願君登名山讀異書蓬萊方
丈種瑤草琅嬛福地抽靈樞斯民疾苦一手除忘憂蠲忿盈
萱蘇乃使人無菜色天下腴不妨相君之面獨立常清癯

興更生篇

書生不能大殺賊賊殺書生亦不得殺而未殊賊之技殊而
不死神之力獨不見轡縣書記興於詩賊入縣堂官不知賊
衆劫官官死之遂殺官之妻孥親弗慘積屍興生父子驟聞
變開門見賊當賊面子先逸出求父復入賊併斫之烏白鷺

黑如是死者凡四日九月初八至十一子遽然醒父僵不能
起立忽然賊去神乃來似夢非夢神光開手撫其面合其骨
骨者肉之皮者血血亦不復流骨亦不復收伐毛洗髓戴吾
頭陰房鬼火吹鬪體自頂至項一十有二處傷痕宛然血光
注乃知大患因有身不知不神所以神神而有靈陰德耳嗚
我作此詩名其篇曰更生且爲之徵

手詩送單雅川觀察乞養還蕭山時余理棹淮南卽以紀別
獨從宦海得慈航一日三公願竟償心跡久時當漸白鬢絲
看處未全蒼閒來祇覺湖山好靜者方知歲月長正是采蘭
逢上巳笙詩補入錦衣鄉

四十年前大石頭一千里外古揚州愛君山色成歸計聽我
簫聲作浪遊三月離情連赤社十霜從事憶黃樓只今歧望

蕭然路萼菜楊梅大可留

四十消息

消息分明是夢餘
情懷迢遞首踟躕
昨看孤月臨遙薄
已有微雲起太虛
絕不遮攔牀上蝶
最難消遣袖中魚
依然釧動花飛候
結習聲聞總未除

手語香絃鳳尾槽
三年彈破鬱輪袍
休歌子夜新團扇
難得并州快剪刀
蘇小鄉親曾省識
淮陰國士但蕭騷
平生三食

神仙字卻向綏山見一桃

鸚鵡簾開彼一時
枇杷門掩此相思
鐙飄珠箔歸應晚
花落銀牀去較遲
曾與轉身逢說法
又煩努力爲通詞
誰知西抹

東塗者結託蕭娘只在詩

元微之句

吳關流水接韓溝
兩樣簫聲一掬愁
悄悄向扁舟
尋往復親從

私印贈綢繆爲邀綵筆傳春夢肯折花枝當酒籌腸斷綠楊
城郭裏封情忍思寄書郵

米價

米價今年貴雲羅一雁飛炊粱新夢熟辟穀古方稀乞糶臧
文仲居奇呂不韋太倉吾一粒豈敢怨朝飢

雲漢之詩信蟲蟲自鬱陶只知天雨粟不覺地生毛博物珠
龍睡牽絲玉虎勞具區三萬頃曾謂不容刀

赤棒三中鼓黃冠十賚文爲壇當北面啟戶見東君一卷演
繁露六爻占密雲有時還幾點屐齒已紛紛

乃禁屠沽市仍張鳥雀羅肉麩甯可食菜色本來多飽或侏
儒有饑如饕餮何不嫌蔬筍氣枵腹又長歌

憶我飢驅去毘陵驛畔尋上流雙槳涇中路一溝深涸輟逢

歸忌奇門得返吟耳邊陰德在龍尾萬車音時常州七字堰水涸斷流余舟

至此而返

風利不得泊迴颿似劇驂行蹤關吏詰雇直榜人貪彈鋏休
相笑吹簫祇自慙東遊思杜老貴賤問淮南

已歎泥沾絮誰能蠟代薪空吟枯樹賦不見采樵人濕束通

山氣乾封問水濱終期作霖雨欵乃聽重闈水關淤塞柴船不能進城中

珠挂兼病矣

真州詠懷古蹟詩十二首

胥浦

縣西十里有伍子胥廟浦因得名詩話總龜其浦一日三潮俗傳伍子胥解劍渡江處

蘆中人去已千秋極浦傳疑水自流覆楚巫臣矜故智沼吳
勾踐用陰謀功名急處無飛鳥恩怨消時有鬪饑却羨鴟夷

子皮者江湖滿地一扁舟

吳王濞鑄錢鑪縣西二十五里有大小銅山按漢書本傳但云吳有豫章銅山十道

志則云揚州有大銅山吳王濞鑄錢之所又有冶山亦其地也下有鑪鑪遺跡

楚尾吳頭古豫章誰將腴壤奉驕王西京几杖輸棋局東市

朝衣失智囊早議四銖除盜令忽開一道賜船郎文帝時除盜鑄錢令

賈誼賈山皆諫不從復賜鄧通嚴道銅山當時吳鄧錢徧天下而濞得擅銅鹽之利遂萌異志賸教遺跡嫌

銅臭始信多藏必厚亡

東巡賦詩臺在城子山陸師志云魏主丕臨江觀兵立馬賦詩築臺而還又名東巡

千羣鐵騎萬樓船博得新詩一短篇生子已曾加九錫觀兵

空自費三年黃初四年至六年凡三次伐吳皆臨江而還未嘗敢渡解嘲築室興農句

子桓詩興農淮泗間築室都徐方失意燒橋屯渚邊可歎益州風利候金陵

王氣又蕭然

謝公新城謝安出鎮廣陵時所築壘也時會稽王道專權謀變築此備之在縣東十里

揚州刺史會稽王太傅新城接建康半壁江山自形勝中年

絲竹太淒涼代興妖夢終須驗泛海歸期竟未償今日周遭

圍故壘碧桃花下詠斜陽其地多種桃花杜于皇紀伯紫費此度皆有詩

昭明讀書堂在橫山西梁昭明太子嘗讀書於此唐咸通中僧神堅以堂為太子院宋時城

南有昭明祠

秋衾銅輦夢匆匆腸斷臺城夕照中文選樓開懷正序讀書

堂改記咸通一家詞賦名山綠六代烟花戰血紅此是因緣

香火地東宮三萬歎飛蓬

白沙亭在白沙洲上唐時所建韋應物有白沙亭逢吳叟長歌顧況送張卿大理詩有白沙洲上

江蘿長句按南史齊高帝時元魏南侵乃於江北置軍二十一處白沙洲其一也又宋張耒有鱖舟白沙

亭下詩

江洲亭子白沙摩送客逢人喚柰何天寶年來詞客少建康

軍下將才多寒聲雁勒三秋陣遠影鷗馴萬里波無限躊躇
懷古意幾時艤棹一聞歌

仙人掌

久傳爲柳耆卿墓今實無之

漸看木葉下亭皋奏御無端首重搔黃土難尋仙掌路紅牙
空按鬱輪袍斷魂風月人宜醉落魄江湖句不豪爭似吹簫
姜石帚馬塍聞占一蓬蒿

東園

宋皇祐時發運使施昌言許元判官馬遵因州監軍廢營地爲之歐陽修作記蔡襄書梅堯臣

賦詩一燬於靖康之兵再廢於開禧之亂今但存其故址而已

廬陵文字宛陵詩況有君謨寫付之可惜東園游宴地重經
南渡亂離時白沙翠竹無人識流水青山有夢思始信襄陽
羊太傅邀人墮淚讀殘碑

慧日泉

在天甯寺藏經樓下東坡自詹耳召還道出真州愛楞伽菴地留寫光明經寺有井酌水

品之爲
題此名

偶愛清泉手自銘至今佳話記天甯早年仕宦三竿日末路
文章一卷經飲水楞伽明澹泊買田陽羨悵飄零若教真跡
光明在便築東坡墨妙亭

國信使館

在城中賈似道羈留元行人郝經十六年
於此西有鏡蒲亭經局戶著書之處也

福華編就夢華塵襄鄧三年草不春北海已聞蘇屬國西河
猶館魯行人著書不礙窮愁事降表難留富貴身至竟木棉
菴裏去誤人家國此庸臣

文丞相祠

即大忠節祠在城東門外水關之右按公
爲伯顏拘留至京口與架閣杜澣等夜覓

小艇亡入真州州守苗再成共謀興復而制置使李
庭芝聽逃兵之說言檄苗使殺公苗不忍也公遂得
由揚州通州航海去計
留真州者不過三日耳

錢唐江上看揚塵瓜步洲邊暗問津奉幣不充祈請使銜枚

肯作說降人千秋柴市酬生祭一嶺梅花現後身

明史閣部
夢文丞相

入室而姓 文 賴有孤城三日住至今俎豆尚莘莘

明史藁 思良刺董將軍墓 明靖南侯黃得功墓方山梵天
寺旁石壙周遭中葬其母氏

四面山河十里關旌旗慘澹石孱顏能驅跋扈將軍去難送

無愁天子還一嶺衣冠留碧血 謂史閣部也黃軍
時隸閣部麾下 百年風木

傍青山諸天鐘梵空憑弔猿鶴沙蟲太等閒

蘇晉屠孟昭大令招集湘靈館觀吳雪樵手製梅花髻几歌

寫花著紙花生筆鏤花入几花有骨不知原是此花身漆城

蕩蕩飛明月使君本自木天來五雲閣畔吟官梅刻畫雖非

刀筆吏遊戲乃成几案才孤山風雪邨前植滄江書畫船中

得沾丐應留一瓣香摩挲不覺三分入畫工化工歸一家攻

木之工更足夸媿我三年空刻楮愛君一縣盡栽花湘靈館

裏秋無暑座上杯中各有所爲燒高燭照妝成忍當酒籌折
枝舞夜涼人靜去遲遲修到梅花此一時若教別撰梓人傳
更與重題隱士詩

蕭子山明經出示南北朝詠史樂府不佞遲日便欲渡
江旣爲論定仍附兩詩於後以當題辭且紀別也

著書本是窮愁事對酒還爲慷慨歌十七史從何處說二千
年向此中過崢嶸歲月青開鏡飄泊江湖綠滿蓑贏得鬢絲
禪榻畔金銀三品與消磨

與君別者仍佳節前別以七夕今夕則重九矣驅我飢來又漫遊千里相

思見陳寔謂雲伯大令子山時授一經於其嗣孟楷秀才一篇獨行愛彭修謂甘亭明經與

子山皆居婁東校文東觀才難稱卜宅南邨願未酬海內天涯自惆

悵幸然韻語有陽秋

答詩

全開

詩

卷

六

君爲吹簫常作客我因懷古一悲歌
中年哀樂情何極六代江山爾更過
風月清遊宜白舫水天閒唱自青蓑
途中歲月閒中卷一例雄心被折磨

百闕新詞邀激賞兩番佳節送遨遊
每懷孫楚詩清綺欲

訪王褒路阻修竝世才名諸子少
耦畊始願幾時酬唾壺

擊碎真無柰君到淮南況暮秋

孫楚謂于瀟王褒指仲瞿也

餘

九日將之淮南留別子山雲伯竝贈孟楷

秋心不可極直指妙高臺
一棹江湖去滿城風雨來
樽空桑葉落鴈背菊花開
城外寒山寺鐘聲首重回

閒居愛重九詩賦動江關
錄別幾家夢登高何處山
微波木蘭柺佳節茱萸灣
二十四橋月吹簫且未還

最憶陳無已書堂秋樹根卻逢蕭穎士簾幕舊巢痕協律堪

千載

子山撰詠史樂府

催科又一邨

雲伯方奉檄雲間勾當公事

至須成彥會漁

父一篇存

狗馬強年少蟲魚屬後賢山中寄裴迪海內見斜川北郭交

游地南邨文字緣渡江消息近孤負好秋天

和詩

蕭掄

如何重九節不共爾登臺細雨雁初到暮雲人未來

重九日遲

鐵雲不至青山向余笑黃菊為誰開為問江頭棹何時卻載回

小病為君喜幽然且閉關夢中秋草路樓外夕陽山邨上

遲雙槳江流定幾灣明朝重相見只當廣陵還

勞生人海內蓬轉輒辭根筆墨三生債風霜兩鬢痕新詩

還白社舊令問青邨

雲伯嘗攝令奉賢時方奉檄松江未還奉賢有青邨場

旦晚同

于役栖栖吾道存
君到眞州去相逢地主賢
園林顧金粟花月杜樊川
小別江湖夢幾人
香火緣淮南秋色好
回首望吳天

贈行詩

陳裴之

今年旱魃何鴟張已過白露仍驕陽
滿城風雨邠老句追思此景眞難忘
瓶水先生宰相見米價淮南問貴賤
連宵翦燭話哀鴻後日行帆背秋雁
眞州風景知何如江南比戶同螿蜎
儒生妄議五行志長官強解河渠書
湯旱七年無足恠仲虺咎單幾人在
崔蕘祈雨異顏公李實催科比元載
詔書尺一頒天衢求言不假雙干旗
凡材蹴踏立仗馬令僕局促車前驢
造臺示儆桑林異地毳天槍偶然
耳人心不古始足憂誰挽積風式浮靡
破觚爲圜事可知

金九齋詩集卷一
叢臺嘖室語可噓歡愉愁苦兩無益不如還讀先生詩讀
君詩送君別所願天公降甘澤枯苗縱乏返生香浚河足
省齊民力傳聞新米來江鄉飽飯殘年好同喫看君蠟屐
妙高臺油衣代瓦計殊得不然爲文傲髯軾

夜雨泊丹陽郭外

一簇秋烟隔水生浮陰迢遞壓重城星眸月魄無消息獨聽
瀟瀟暮雨聲

黃花酒冷古重陽風緊雲繁作夜涼昔往難逢三兩點今來
何止萬千行

漢書好惡篇

余幼好奇字獨不好揚雄又嘗好奇服獨不好江充能短衣
楚製不好叔孫通能布被脫粟不好公孫宏好陳政事疏兼

好及吳公好讀循吏傳首好惟文翁好亞夫細柳好留侯赤
松好充國屯田惡張騫鑿空好丙吉魏相休休其有容惡張
禹孔光沓沓將毋同衛青霍去病惡其由賤傭李廣程不識
好其能折衝好賢好元成賢善始善終好向而惡歌歌不孝
不忠頗好太史遷謂其文章工亦好董仲舒信其禮樂宗好
司馬相如而惡當盧庸好河間獻王而惡應聲蟲甚不好京
房數盡非理窮更不好鼂錯霸術無王功好方朔執戟不進
主人翁因好申屠嘉馳檄困狡童好朱雲折檻願從關龍逢
遂好辛慶忌免冠回天聰偶好蕭望之惡鄭朋華龍久惡張
子文好彭宣戴崇好梅福夫婦偕隱有古風好疏廣兄子勇
退無留蹤夾漈不解事滄浪時一中我作好惡篇不暇書恩

卻寄陳笠帆中丞

時自浙江移撫山東

朝建西陵幢夕攬東山轡

聖主得賢臣文事必武備

東撫兼提督總兵官

先生大雅材敷歷以中

外昨讀奏事書不覺頰首拜始言重守令百官之所最終言

正人心四民之所賴倉廩府庫中禮樂兵農內綱舉則目張

與利先除害因時度勢言正本清原在急者治其標君子務

知大往歲轡單間小醜實大惑形誠若豺虎奸更甚狼狽鉤

連河朔方直犯苑西界撲滅洵稱神震驚咄可恠國家待

臣氓恩德邁前代莠民固喪心殘吏尤汗背治既誤因循智

復墮茫昧如酒釀而成如癰養而潰

至尊堯舜君屢詔振聳聵皇極是訓行天心乃仁愛諸君答

昇平何以熙帝載諸將有禦侮何以敵王愾勿謂賊已殲前

禽邑不誠勿謂歲已豐哀鴻圖未繪先生承 命恭鼓舞亦

勞徠不牛劔犢刀不米珠薪佳民和頌有聲官邪儼不類風
好敦詩書元氣調鼎鼐因之水土平占爲地天泰瑤宸褒絲
綸鈴閣詠裘帶士於上大夫禮本絕流輩詎將諛詞進重爲
盛德累顧念車笠盟謹獻韋弦佩願期交有功庶幾言無罪

夜坐

窗外數竿竹戛然時有聲深秋疑夜遠久雨得風晴賦擬歐
陽句詩慚劉洞名讀書餘可愛一卷又雞鳴

張鐵槍歌

淮甯張鐵槍嘗以鄉兵三百破賊五千人於盧氏時
嘉慶二年丁巳春二月白蓮教女賊齊王氏自楚掠
豫勢將南趨襄城葉張兵邀擊其衝賊遇而潰遂從

武關折竄秦蜀間而中州無賊矣當事者給張把總
銜棄之而去又十年儀徵雲臺阮公巡撫河南張乃
効力麾下嗣阮公再撫浙江命從行教習溫甯營槍
法俄公內召張送別至公家而翰林錢塘屠君孟昭
改知儀徵君嘗出阮公之門謁辭俶喪公贈以詩有
云梟徒潁泗來小鬪竟如戰我昔謀增兵請者議未
善爲此多隱憂保障非易見孟昭既至邑遂從公所
聘得張捕縛蔣光斗等若干人實諸法胥十餘載漏
獲之戎首也其他餘梟禽治略盡然張客邑廨三年
未嘗言及盧氏戰功至是有清河沈司馬者始爲詳
述之當張殺賊時司馬固在河南言特有據孟昭稱
張諸技皆長而槍法尤絕其人則恂謹若書生忠信

出於天性既爲歌詩竝屬余和余惟古之以鐵槍稱
者最著爲王彥章然彥章雖屢建奇功躋身將帥而
爲朱梁所用不善其終誠遭時使然抑亦實命不猶
今張身際清晏善刀而藏又得名卿茂宰先後識拔
間出其餘勇以佐諸大夫除害安良爲太平之人以
老是王鐵槍遇而不遇張鐵槍未遇而賢於遇也故
余贈詩之旨若此既叙其功且樂其志焉

王鐵槍古之王彥章張鐵槍今之張永祥以古槍法殺今賊
古今人豈不相及賊掠信陽州遂犯盧氏縣龍頭天竈兵不
戰紫微勾陳賊乃竄中軍羅拜黑稍公上將閒揮白羽扇鐵
槍非弁亦非將獨帥偏師出奇仗萬戶義結毛葫蘆一丈威
當麥鐵杖張鐵槍勢莫當五千者烏合三百者龍驤尉遲三

奪走且僵哥舒半段頤而長上馬殺賊今日路明日下馬草
露布不聞寡婦唱蓮花獨見將軍坐大樹鐵槍有賊鐵槍來
鐵槍無賊鐵槍歸雅歌投壺羊叔子斗酒彘肩呼壯士一試
河南北再試浙東西浮雲冒滄海落日照大旗此際名高入
陣圖此時槍急萬人呼識一丁字到處有挽兩石弓絕世無
鐵纏稍是韋欣慶刺虎矛如畢衆敬關前獨送阮中丞江上
相逢屠大令鳴琴可以治橫槩足以豪取人無復萑蒲澤讌
客有時甘蔗梢但知鐵槍之技絕不知鐵槍之功高張鐵槍
爾豈張紅眼王三鐵孰者矮張竹園張長子弟子師出律无
咎无譽坤括囊至今不見鐵槍之殺賊鐵槍斑斑賊之血髀
因復生壺口缺三十六州不鑄鐵古之王鐵槍身死名不芳
今之張鐵槍身存力方剛不願鐵槍從觀諸將壁但願鐵槍

老作諸侯客槍苔槍不花鐵繡鐵不雪長歌已是豹留皮短
歌休爲驥伏櫪

蘇州兩秀才行贈朱西生沈閨生

六門三關往復回蘇州乃有兩秀才盛名之下實難副西生
閨生其選哉西生生於西乞漿未必能得酒閨生生逢閨青
桐不敵黃楊寸西生之貌癯作爲文章乃獨腴閨生之詞寡
發爲詩歌則九雅落落難合南陽之時多多益善淮陰之師
鬱鬱不得志董邵南之有司醬瓿不妨揚待詔飯山相逢杜
拾遺兩生與我交忘年我與兩生意忘言兩生蛩蛩負而走
我亦惺惺惜之久具區峰高七十二兩生之秀有圖志滄浪
亭直四百千兩生之才無價錢松品落落雪格索索宜乎兩
生之寂寞天風浪浪海山蒼蒼以比兩生之詞章干將莫邪

可治不可折白馬匹練可望不可卽暮雨瀟瀟更不聞青春
堂堂足可惜讀不破萬卷書行不徧萬里路國風君子怨別
離楚詞美人恐遲暮與狐謀裘與羊謀羞鄙與肉食者謀長
袖善舞多錢善賈羞與噲等爲伍文選熟秀才足局促復局
促蝸牛戰蠻觸槐花黃舉子忙郎當何郎當鮑老笑郭郎樹
木嫁達官怕再仕而再化則不如窮而在下乞食可以吹簫
兩生不唱鬱輪袍痛飲可以讀騷兩生不得綏山桃若者牛
馬走若者姬媼耦若者泰山而北斗投之濁流曳落河東之
高閣逋逃藪得君頓有兩玉人與我併爲三益友茂苑君釣
弋皋橋我杵臼但聽寒山鐘莫折蘇臺柳北郭可以詩東山
可以酒切勿抱佛腳且來相人偶然則兩生何姓名曰沈傳

桂曰朱綬

歲暮自真州還吳下留別巴樸園副使宿厓觀察

綠楊城郭舊真州到此從前悔遠遊
協律堦筵新樂府論交杵曰古詩流
飲醇味好逢君醉畫餅名虛媿我酬
賴有緇衣篇未逸不須歸貫鷓鴣裘

樸園贈裘

落帽題襟四十年傾囊倒篋五千篇
讀書少似歐陽九行路多於司馬遷
一曲焦桐矜大雅半林酸棗愛諸天
江中瓢與山頭笠直是先生累我傳

時將爲不佞校刊詩稿

迎鑿江上聽潮音擊楫還爲吳會吟
寸草春暉遊子意梅花風雪歲寒心
二分月朗珠簾隔宿厓時在揚州
三星稀玉漏沉樸園
近有姬人之戚莫更蹙時愁錄別試
鐙風裏重招尋

餅水齋詩集卷十六

餅水齋詩集卷七七

周道臨坐平對感此綿綿而暮之大興舒位立人詩

旃蒙大淵獻黃曆已懋前辭元白大澤聖賢贊太息餘亂

正月朔有二日宋于庭孝廉自都還吳見訪越日招集

葑谿草堂竝出近詩相質因題卷端以當情話失與盤

三年一別鬢蒼蒼又是春風滿路香下第文章如左券故園

松菊未荒莊兩三冰雪圍親舊五六星辰過角張宛似城南

燈火夜重來讀畫引杯長酒間出示前所作城南燈火圖

車後塵囊岸上船此生同住別離天吳頭楚尾能相憶燕草

秦桑又幾篇卷中多遊江右陝西時詩但覺窮愁書可著最難良會酒無

邊上元細字分明在一度題襟一惘然

顧洛西梅畫卓文君小像為吳長卿更生題蘇九亦俗

一聞綠綺琴連夜相歡悅一唱白頭吟登時相決絕此亦奇

女子况復古詩人風流而放誕佇立以屏營叶長眉掃遠山

清臚翦秋水此豸增嬋娟余情悅淑美相逢吳季子忽慕蘭

相如與彼傳阿堵為君賦子虛天吳應焚風詭跡煎燕草

春雪來歸畫日暮

春雪不可積蕭蕭作雨聲風簷疎欲斷冰柱溼猶明深巷晴

雙屐高樓夜一檠偶然問米價頗悔未躬畊章叟立袋姑園

書周希甫太守東岡詩贖後竝示介夫孝廉實夫明經

斯人豈遂以詩傳收取聲名四十年隨會九京如可作鄭僑

一涕獨潛然龔黃治已揚前績元白才猶壓後賢太息結廬

周彥祖生平懷抱此縣縣太守嘗讀後漢書周燮傳而慕之故以東岡自號

回首龍門耿夢思三年江海恨來遲每聞緒論知心蹟重校

遺編感鬢絲百代光陰循吏傳
一鐙風雨秀才時寸心得失
吾何與願發楹書作總持

仇英昭陽宮圖

漢宮第一是昭陽紙醉金迷不可量
選樓特盛西都賦畫史
重開北苑妝屋不呈材牆不露寶帳
芙蓉隱紅霧已唱留仙
燕燕飛更占歸妹蛩蛩負當年
流轉向長安歌舞陽阿結主
歡爭得方書授彭祖分明外傳付伶
玄便房省簿鴛鴦牒別
館通仙遠相接人間滋味五侯鯖
夜半光華萬年蛤此時甲
第渭陽開引水穿城往復回
漸臺忽肖白虎式靈廟誰歌赤
鳳來吹埴擊鼓凝絲竹更奏歸風
送遠曲早聽童謠啄木門
似遵祖制藏金屋珠圍簾幙壁銜
窗道是無雙卻有雙松舟
波皺千人櫂蘭室香凝三等釘
別有深沉寫難徧長門永巷

無人見一紙私傳許嬾書
三秋新製班姬扇
昆明池底劫灰
塗海嶽船中絹本
麓可憐列女前
編傳不見名臣古
畫圖

江上停雲詩

理棹渡江春風撲面人涉
叩否一繫三商感陶元亮
靄靄之言思我朋舊天各
一涯叩舷操觚遂盈篇什
雖復顯晦互異靜躁不同
而以詩懷人要皆其人之
善於詩者也

絳州李墨莊兵曹

鼎元

兵曹監馬政不知馬幾匹
及督通州倉不知米幾粒
回翔鳳皇池往復琉球國
海外萬斛舟人間一品集
往歲城南遊琴樽暢結習
仰屋一心存臨歧兩手執
飢驅不可枵歡墜不可
拾或寄袖中書難逢山上
笠仕宦居戶限著作厯階
級思君

自咏詩蒼茫以獨立

臨清劉松嵐都轉

大觀

鐘鼓享爰居神仙化脈望遼東斗一州河東雪二將餘事詩
屢成直道疏獨抗拂衣良復佳彈冠非所尙臥公百尺樓豈
止牀下上壽公千載名何有年老壯田園未疎蕪文思復跌
宕招隱亮非誣當仁亦不讓先生吾父執同官絕五瘴不見
三十年相逢幸無恙

桐鄉陸杉石太守

元鉉

一麾唐杜牧三黜魯展禽不廢襄陽樂猶聞正始音入蜀蜀
道難渡海海水深最後歌出塞關隴浮雲陰宦情別巧拙吏
議持升沈抵鵲愛白璧逐鷗鑄黃金遲遲出門笑落落歸田
吟青甕割講席錦囊傲山林失職趣解組得句閒題襟得失

孰輕重知者惟寸心

太倉蕭子山明經

掄

三十老明經五十少進士明經未易才進士夫已氏子山吾
老友經經而緯史尤長爲詩文實是以求是述者師其意作
者鬯厥旨一字之褒榮一物不知恥撫言唐文章制策漢未
耜茲惟功令存豈自關節始風雨動魚龍仁義動君子溫飽
諒無期窮愁轉可恃

錢唐陳雲伯大令

文述

偶現宰官身不廢作詩譜萬首詩無題十年官不補做官一
身勞做詩一心苦手版天平明頭笠日卓午始工刻畫詞葉
葉三年楮旣緣綺靡情絲絲五雜組一變爲沈雄再變爲激
楚官卑詩彌高詩富官自窶子游之武城子賤之單父異乎

俗吏爲庶與古人處

蕭山單竹軒治中

渠

治中振奇人有用兼有體與我忘年交相視若昆弟方其志
刑法主客如飲醴生殺必以情進退必以禮及其論鹽鐵仕
宦如脫屣養志高堂前賈勇急流裏旣非麓官儔又非腐儒
比皮相誠難工肉食何嘗鄙南陔廣微詩南邨元亮里相戒
毋相忘此中有至理

昭文孫子瀟翰林

原湘

白鶴不能肥青鸞不能瘦置君神仙中老我公卿後有時酒
一樽手種雙紅豆有時燭三條腰佩雙紅綬鳳皇不馴囿麒
麇不秣廐山中桂樹生源外桃花候樵歸吾谷深漁唱尙湖
逗谷樹煙搖霏湖水風吹皺詩情違屐裙書字盈懷袖客有

吹洞簫自向船舷叩

大興官尹兼郡丞

懋斌

燕臺擊筑來吳市吹簫去蹤蹟略相同懷抱豈別具買山君
遠引賃廡我流寓天涯作比鄰僻性耽佳句早年占科名中
歲出宰署京兆榜開花河陽官種樹方修乞郡章忽撰懷田
賦宦境薄孤雲詩味灑零露對君無俗事思君有雅故一卷
自怡軒悠然見出處

仁和錢叔美水部

杜

夙世定詞客前身應畫師鄭虔有三絕顧愷多一癡與君相
結密桂館傾襟時我旣重君畫君尤愛我詩豈知至寶貴在
彼不在茲東西競塗抹南北紛驅馳泛泛芙蓉池匆匆楊柳
枝杳杳何處期緜緜不可思未怨長貧賤但愁遠別離畫蛇

不取醉畫餅不療飢

余始識君子雲伯桂葉書堂

興義李他山校官

瓊瑛

我昔從軍行曾修薦士表厥有李他山錚錚復佼佼相逢水
倒流相別山橫抱三復十年書百戰萬里道少中拔萃科高
文典冊藁壯習陰符經飛書走檄草忽然屋打頭何處泥罅
爪其室則已遐其人殆將老舊雨青濛濛古月白皓皓誰能
夢見之天邊送飛鳥

長洲宋于庭孝廉

翔鳳

錢唐陳孟楷茂才

裴之

讀書有種子領袖必英絕然非窮經來終為大雅斥闕疑乃
多聞傳信惟善擇尤當探河原勿復泥轍蹟豈有寫孝經必
曾子家冊又豈傳尚書必共王宅壁震名列儒林喪志謬詞
客且莫操戈矛欲為通騎驛兩君皆兼才精進復廣益能無

畏後賢願與理前說

會秀水王仲瞿孝廉

良士

王字聖範

自號

水齋

文

文如謝靈運武如郭子儀有名而無字古人亦大奇後世好
標榜稱謂日日新走卒號居士達官署山人相如商傳說將
如漢馬援版築非自圖雲臺未嘗見後世重形貌畫像日日
增男女競紅綠富貴私丹青我愛王仲瞿其人無他殊獨不
取別號亦不畫小照

文典七十二賢榜外曲

張書法謝草忽然風什題同

圖說中州集傳注褚承亮字茂先宣和六年擢第調易州

兼管戶曹會皇子郎君破真定拘境內進士七十二人赴

彼不與安國寺試策策日上皇不道少主失信舉人希旨極

不與口毀詆茂先離席謂主文劉侍郎曰君父之過豈臣

子所當言長揖而出劉爲之動容比膺除茂先被黜
餘悉放第狀元許必輩自號七十二賢膺帥府重茂
先名檄知藁城縣漫一應之尋解印去

一膺賜及第其名不盡全四賢一不肖其詩至今傳可憐七
十二賢膺母乃七十二不賢何居劉侍郎何物許狀元孰若
易州戶曹褚茂先安國寺裏懷丹鉛君父之過臣子敢言長
揖而出含豪逸然彼一小朝廷此一大羅天捷於泥金紅勒
帛榮於華袞白苧欄君不見巨鼈戴石冠蓬山劇秦美新誰
草玄原父之輩乞一聯自檜以下無譏焉何有入彀中出膺
下在孫山外王後與盧前先生旣非傲吏米五斗又非風漢
策一篇卽當藁城解印日重憶宣和擢第年

題雲伯頤道堂詩選後

雪山池上甄陀曲清淨仙人不自持好待轉身來說法天龍

八部雨花時

弦歌三徑陶元亮昏嫁青山向子平我尙依人君試吏不知

此願幾時成

建安七子圖讚

自稱男子人呼大兒礪礪落落曹操殺之狂三公才冠七子

列康成行酒伏地氣絕

右魯國孔融文舉

四州之檄本初可哀九錫之文公茂能爲旣諫何進亦偕陰

夔齊名元瑜改書伯珪

右廣陵陳琳孔璋

舊佩復作殘碑閣誦邕獨奇之表不甚重芒芒去國悵悵登

樓貌寢體弱乃能封侯

右山陽王粲仲宣

懷文抱質君子彬彬如鶴在秋如雲在林引疾匪疎著書咸
備典論之中文選之外

右北海徐幹偉長

翩翩書記爰焚其山事有遲疾文無增刪搥鼓作吏撫琴作
技愛憎尤殊以儒爲戲

右陳畱阮瑀元瑜

初從辟屬庶子平原轉侍讌詠文學五官家世掌故斐然可
觀美志不遂稱於子桓

右汝南應瑒德璉

廓落之帶貴賤相嘲發彩疇昔獻諛今朝詣旨雖善禮防弗

申誰其平視一箇河神

右東平劉楨公幹

屠孟昭大令枉顧竝見貽是程堂詩集新刻即日遲謝

先以詩報

石曰岡前獨往時金鰲院底得歸遲一官百里江淮海三絕

千秋書畫詩仙骨通身聞芋熟禪機微笑有花知相逢恰在

弦歌地桃李桑麻要總持

宋影唐音付寫官吟情瀟灑宦情慳直教味在酸鹹外不覺

臣居廉讓間三舍避君書卓犖十年遲我石孱顏

集中有題伊墨卿太

守寒碧山莊遊卷云坐中五客識其四其一即余也此是乙丑年事時余與孟昭尚未得相識故云亦知秦系

狂成癖但向詩城覓往還

題實夫泰山獨眺圖

有此蒼茫獨立時分明雲在意俱遲會當絕頂杜子美莫作
懸厓韓退之

五岳圖成祕未傳平生雙屐意蕭然與君昏宦粗能了自有
齊州九點煙

只輸一事馬相如心陋龍門封禪書願得崇朝雨天下絕無
依傍再躊躇

真州張懷之秀才以柏梁體長歌題余春秋詠史樂府
作此答之

讀書不讀律此語激使然詠詩不詠史其道無足觀恭惟魯
春秋聖人實手編厥有左公穀彙所聞見傳束髮入家塾元
黃戰丹鉛經經以緯史舍此將奚先撰爲長短句列作輕重
篇未必效博議又敢參微言詩亡春秋作絕代如韜軒以詩

論春秋二者相牽連獨冠王正月必繫公元年一字寓衮鉞
三才通地天傳疑楚倚相變體漢史遷而我識其小母乃爲
不賢呼豨恐未協狩麟難具宣聊充元凱癖不發康成箋君
今枉題贈好語明珠穿蹟頗涉標榜意自多纏緜大雅奏清
廟大經列學宮儼君若匡鼎媿我非服虔千里不唾井三年
不窺園忽然出門笑畫壁旗亭還

題春秋詠史樂府後

夜深月黑陰風狂亂星撒沙天無光得君樂府過百章高
吟老屋聲琅琅拔山鞭石搥礪硯風迴大海瀾紫蒼巨刃
霍霍摩天揚噉吻鬼母啼陰房高與供奉相翱翔餘子瑣
說不得望詠史樂府始漢唐迨後傳者惟李楊諸史得失
盛昭彰春秋時事略不詳先生健筆補闕亡羅列貫弗微

而臧想見萬卷撐胸腸臨紙怪發落墨強獅象力大誰能
量空堂但聞木犀香掩卷三歎神徬徨燭花蟲墮春茫茫

題陳謙谷

鴻慶

徵梅僊館圖

圖爲古夢得男而作也

古月蒼蒼拂曙來青山無際海潮回故應別撰龍城錄萬樹
梅花一夜開

借他高格比天姿此是春風第一枝併入君家三秀草

謂小雲小

英詩中有畫畫中詩

調羹事業歲寒心妙識芙蓉鏡下尋占得百花頭上句狀元
宰相聽佳音

于庭應赴滕縣講席紆道見訪竝貽樸學齋文錄三卷

占此送別

倒屣迎王粲寧囊愛鄭玄著書多口喫行路費腰纏且自遊

鄉校誰能問井田匆匆親戚話去去孝廉船

書子山癸亥歲吳門會合詩後

子山原序云今春余至吳下適孫子瀟自虞山來主

王仲瞿家既而舒鐵雲呂叔訥亦至昕夕相聚於仲

瞿齋中因贈仲瞿并示諸君云云此癸亥年事也余

今歲復讀子山詩有感疇昔因成是篇

松堂裙屐舊雲煙亥字如身十二年百里賢人星落落一篇

漁父雨絲絲同時已作蕭條想往事翻從寂寞傳祇隔大江

衣帶水升沈去住各無邊時孫子瀟以翰林通籍里居呂叔訥為海州學正王仲瞿遊寓淮南

年來舊侶得時時相見於吳門者獨子山與余耳

題孟楷滄溟醉月圖

明月幾時有滄波開幕雲吹簫楊道士擊楫謝將軍橫海鯨

鯢仆諸天鸞鶴聞當年一杯酒相對自無羣

粉白佳公子丹青老畫師十年投筆去一夜翦燈時

圖為楊補帆昌

緒所寫楊故一福文襄幕下客也海水搖空綠雲山鬪異姿乘槎消息在莫唱

恨來遲

暮年題傅青主霜紅龕詩集

東漢書中古逸民西京賦外舊徵君百年殘夢黃冠子三體

新詩白練裙故國山川花濺淚醉鄉日月鳥同羣亦知奇氣

長來往汐社柴墟策此勛

題李雯十八羅漢渡海圖

儀徵張槐卿藏

菩薩住山如無山羅漢渡海亦無海世人或以蹟象求千氣

萬力畫海水如是眾生苦惱緣乃覺苦海真無邊不可思議

金剛際獨到神妙秋毫巔十八處皆有人十八人皆有

身降龍伏虎如蠅蟲四大海水一剝塵不增不減不生滅超
出因緣十二劫泥牛香象兩無功忽然般若波羅蜜我向楞
嚴覓導師詩中非畫畫非詩卽看萬里馴鷗日何似三軍上

馬時彼語阿羅漢華言殺賊

祭酒吳穀人先生今主安定講席記奉袂春明邸第已

及卅載兩泊淮南皆未得值於抵真州後賦詩據懷時

東夷方乞先生為拙橐作序故末篇及之

暮年詩賦少年場一世青春一瓣香殘夢已羸樓薄倖老成

猶見殿靈光人來烏帽黃塵外道在金釵絳帳旁到輒便教

風引去蓬萊山起海中央

終身祭酒邱靈翰用仲瞿贈先生句小雅吹笙東廣微三徑綠圍書

帶草一庭紅戲老萊衣文章自占湖山勝佳宦能居戶限稀

眼看少年三五輩東塗西抹各輕肥

萬古心胸萬里身三生香火一囊塵蓋隨文度臆顏恰敢效
林宗折角巾醬瓿千秋應有我飯山卓午竟何人幸然元晏
先生在更與重扶大雅輪

精人題儀徵張孝女碑後

張巧姑木匠張天相女也母卒兩兄習父業傭直他
所女獨與父處父肥病痺半體不仁舉步不能以寸
凡厥起居女實左右之比間稱焉乾隆甲子年正月
十八日夜鄰不戒火火大發女起視甫出火已封戶
則大呼入救見者止之不可遂入不出天明檢其尸
父疊女肩四手壓胸下者猶相握也蓋業負父於背
力不勝而仆而死耳時年十四邑諸生廖夢燿記

火能燒女身火不能燒女魂火卽能燒女魂必不能燒終天
罔極之深恩君不見秦女休龐娥親緹縈上書木蘭從軍江
潮汨汨巫迎神曹娥江上悲沈淪嗚呼水火無吉凶嗚呼忠
孝無雌雄姑年十四與娥同女子無成代有終女子竟如此
安論魯國男子孔融吳國男子張充杜陵男子蕭育之扶風
乃爲贊曰諄諄出出深深鬱鬱冬青萬年黃絹片石

題子山樊邨草堂圖

詩人例有草堂存樹繞書樓水到門絕妙盛唐詩本事藍田
別業浣花邨

樊邨涇在古婁東百里吳關一汐通乞食簫聲舂米價平分
伍員與梁鴻

海內論交最數君六經三史老紛紜等身著書無不可切莫

更爲封禪文

水郭山邨新結構畫師詞客舊因緣蕭夫子與錢公子

錢七叔美

作圖夜夜滄江虹月船

題孟楷澄懷堂詩集後

南樓秋老漏絲絲愛坐鐙花手一編衣白神仙三萬軸汗青
風雨四千年癡人自衍魚龍戲鄙者徒資羔雁緣領袖文章
此英絕杜詩韓筆共迥然

浮生數十易紗裘彈指華嚴水自流用世可憐虛仕宦箸書
豈必爲窮愁未妨餘事耽佳句不覺多情感昔游我亦畱連
中一物與君商略到千秋

附丹陽道中寄孟楷書

孟楷茂才足下承賦詩贈行又枉送別心根于性情見乎

辭感甚感甚今之後生不患其才少而患其學術之疎然大雅未衰必有英絕領袖之者其在斯人與足下當不妄自菲薄也前所譚北直水利適僕爾時氣逆神移未能終竟其說然僕係北人舊嘗留意於此三十年來從無人與僕論及者足下一旦下問心輒怦然大抵燕雲十六州之地僕少年車馬三四往還知其無處不可興水利者特當事者畏難苟安不爲慮始而北方之民愚懶相半有田不畊有機不織坐俟三冬之雪仲春之雨五穀勃然相慶收穫設使天屯其膏非澇卽旱男女嗟嘆併命饑寒弱者溝壑壯者四方其弊若彼而其患若此則惟水利之弗講也夫古之王者多在西北黍稷桑麻未嘗不備則以其得水利也今雖井田旣廢屯田可行屯田興而水利出焉僕又

知燕雲十六州之地又無處不可屯田也夫事之大且遠者必非一手足之烈亦非一朝暮之功若能儲其說以待之後必有因其利而用之者足下英年碩學必爲世用今者趁此三餘綴集舊說按切時執著成一編勝於議保甲志武備矣蓋北方之水以河爲主由屯田而及治河由治河而及海運足食與兵而民信之以養生送死無憾實爲王道之始此儒者之立言非處士之橫議也夜雨浪浪泊舟丹陽北郭聽榜人鼻息如宮商而僕不能陳寐遂翦燭書此甫抵揚州附家書以達太史遷所謂略成固陋者也舒位頓首

孟楷答詩

莫爲之前美弗彰莫爲之後盛弗繼齒牙餘論相獎成不

外文章與經濟姑蘇臺上多悲風霜天嘹唳來征鴻先生
尺素遠相寄題函記自眞州封書中之言厚期許大雅人
才吾與汝於虜少年事章句論人常苛己常恕腳指不敵
李幼廉頭責獨嚴秦子羽山膏象豚性好罵水母目蝦何
足語先生獨抱獎掖懷盡挽澆風敦古處所悲賤子蓬蒿
人爪甲安得元寶塵低眉俯首不快意冀博一第娛重親
不然浮名果何物肯事俗學銷青春方今國家費籌策漕
運河防此其極雖南工開事畚揭微山湖波利宣洩舳艫
西北勞轉輸耒耜東南絀民力爲問饑鴟搶地飛何似枯
魚過河泣輓粟有詔咨韋堅水利無人問虞集屋脊爬沙
撒飛雪轉念天涯意蕭瑟期君殘歲卻歸來擁鑪定我屯

田說

題武林閨秀汪

端

小韞

秀才陳孟楷室

自然好學齋詩集

早傳彤管題雛鳳況有文簫儷彩鸞其地湖山名最勝此才
閨閣見猶難性情自與蕭疎近文字都從結習安林下清風
庭際雪不應多讓古人看

答孟楷論詩三首

古詩多歌謠性情之所寓有時天籟鳴適與人事遇今詩具
文章經史之所聚豈有未讀書便可耽佳句自從科舉行士
爲俗學趣橐筆名場來束書高閣去黠者竊取之拙者強思
慮有集皆哀然酬酢雜譬喻蝸但兩角爭貉各一邱據或僅
博醉飽或汲致聲譽其於古詩流百無一得處檜以下則哇
灌而往者醜

山川亘萬里跋涉固宜焉花鳥自一時留連亦偶然苟非卷

鏡水齋詩集卷十一
四
軸氣不結文字緣格律有獨尙宗派或屢遷唐詩沿六朝宋
詩出唐賢藝雖異工拙學豈乏根源私造絕妙辭飄忽稱游
仙慣作不了語虛空託逃禪艱深文淺陋鄭氏所不箋神奇
化臭腐莊子所不詮此詩可不作此作必不傳煙墨受搖襞
脈脈無能言

情景在詩中懷抱在詩外詩外苟無詩情與景皆累韻語實
心聲必非漫無爲不入忌柄鑿可信在區蓋苟作者咄嗟其
盈若溝澮強作者踟躕其棄若菅蒯要惟情物宏遂閱時運
泰人或以詩傳詩亦以人敗卽此便是學舍是更無債言尤
擇其雅體必裁其僞勿受古人欺勿徇今人愛虛懷四海交
實下千秋淚

題洪稚存更生齋詩後

蘭陵江上舊書生直向天山絕頂行詩格全身摹杜甫酒杯
昨日泥陽城千秋餘事傾流輩萬死奇才博好名記取
君恩無量處烏頭馬角淚縱橫

題黃仲則悔存詩鈔後

傷心人住斷腸天零落棲遲五百篇貧戀微名甘下第僻耽
佳句僅中年登山臨水誰無恙成佛生天盡可憐一紙何如

十從事此詩終有此人傳

悔存詩爲翁覃谿學士選序而劉松嵐觀察刻之

巴陵杜老武昌雀不獨青山太白才

仲則以太白樓詩得名而其集中尚有岳陽樓

用杜韻黃鶴樓用崔韻兩篇並工此三樓皆俯臨大江

放膽文章少年去銷魂時候大

江來酒能化淚紅於血夢欲爲煙綠似苔亦是英雄亦兒女

玉樓天上又重開

梁山舟先生今年九十有三歲矣每見宋咸熙張翔鷺

吳長卿輒問訊不佞消息甚至屬諸君子轉致之長卿
 語以真州巴樸園副使方為不佞刊刻詩集先生撫几
 稱快者再頃不佞還吳下方欲修狀陳謝忽聞先生七
 月十五日之赴蓋不知涕之何從也秋夜聽雨不能成
 寐追念疇昔遂呼燈感為此篇

淡墨探花王禹卿濃墨宰相劉諸城不若同時學士濃淡相
 與成濃亦不肉食淡亦不骨立惟其慣用筆是以善用墨宜
 城上黨露垂秋海嶽滄江虹貫月前年為我書長卷卷長一

丈猶嫌短自言年老不成精獨許詩狂重題款
庚午七月謁先生於里第

矜許拙詩有太白再來之語且言昨者方制府蔣中丞並修
 館後進禮踵索書字皆以年老腕弱謝之今子能作如此好
 詩遠來相訪當不憚為書之遂寫高麗箋橫卷集杜詩今古
 體三十四首後作細行楷書跋語數十字僅如牛毛他所書
 楹帖便面又十數種時先生年
 八十有八矣蓋希世之珍也
 矜此寵榮拜此賜香火因緣

風雅事飢來驅我九州煙夢亦見公三歲字問訊東橋竹寄
贈江南梅此日足可惜今雨胡不來南尋禹穴送詩卷西出
陽關思酒杯卽此逢人說項斯何殊因使寄微之鼇戴三山
自覺重宦化千年那得知大雅之曲終大耄之嗟凶修竹不
受暑枯桑知天風人間自有中元節世上本無百歲翁生芻
一束徐孺子當歸一篋吳太史招魂南屏鐘墮淚西湖水山
邱華屋曹東阿老成典型孔北海安得五更追轉李邕魂誰
知千秋放走羲之鬼

彭甘亭明經與僕詩札往復者十餘年訖未識面頃僕
還自眞州甘亭時赴安慶小泊吳下相遇於雲伯桂葉
書堂各道姓名雲伯遂畱飲竟夕同此席者子山孟楷
無他客也

日下荀鳴雀雲間陸士龍古今誰獨絕爾我竟相逢揚子江
中鏡寒山寺裏鐘居然五百里太史一星終

叢桂畱人處衰蘭送客天三杯蕉葉量七字蕩花禪見貽懋
山大師

法語拓落蕭東海棲遲沈下賢甘亭主其妹婚沈
五孝廉中立家相思有張

一部甘亭別索余書云欲
爲後日相思張本

本刺刺省他年故人非俗吏有子總能文好客每投轄作詩不閉門草名思
遠志柳色易銷魂青峭數峰在皖公空酒樽

和尚太守謠

王樹勳者不知何許人始在揚州木蘭院爲道者後

入京師廣惠寺薙髮爲僧稱明心和尙尋以事發懲

逐之遂潛自蓄髮變姓名援例爲湖北同知擢守襄

陽會疆吏請改襄陽爲繁郡樹勳才不能勝例應別

調吏部駁議而樹勳則當解任至都御史湘潭石公

承藻

首發其奸詰罪既實編管黑龍江并先於刑部

衙門荷校兩月然後發遣云

嘉慶二十年六月邸報

棄民爲僧如禿鷲棄僧爲官如沐猴宦成黃雀樓中住事敗
黑龍江上去南來初寂寞騎上揚州雀北去尤蕭條凍殺紇
干雀無端忽慕竺法深有時化爲支道林碧紗籠邊鐘悄悄
青蓮鉢底花沈沈石塔寺無一縫金輪會有萬眾吳國銅餅
五色堅趙州布衫七斤重借得如意影放下茗帚柄或現宰
官身或佩國公印兩眼看天雋不疑五體投地霍去病豈知
襄樣節度乃有敘勳僧正聚處禪師之鬪場佳處仕宦之捷
徑君不見南州傳法唐慧能又不見西蜀入資漢長卿料得
清貧饑太守儼然天竺古先生恆星不見官星見不看僧面

看佛面怱怱一曲雉朝飛啞啞三更烏夜啼州亦不可添詩

亦不可改白銅鞮上春如夢黃金臺畔人如海珊瑚者骨種

種者髮不須笑整冠且與翻著謾卿在鴈門關來師言石頭

路滑鈴音云何劬禿當禪味如是乾屎橛贈君以繞朝之馬

槲李斯之狗枷峩峩御史府堂堂司寇衙五百劫恆河沙三

千石優曇花紆青拖紫波斯匿偃紅倚翠摩登伽於是乎始

墨於是乎始鬢汝受諸苦惱何不出了家吁嗟乎天下雖大

難容其身地獄之設正為此入今我故我無臣有臣東之高

閣間諸水濱初不若劉孝標典校祕閣上峻本名法武宋泰始初年八歲為人

所畧與母竝出家為尼僧既而選俗梁天監初典校祕閣又不若楊法持戰勝邊庭壯宋劉

道人楊法持與齊高帝有舊建元初為甯朔將軍爰有薛懷義行軍總管彼一將懷義

管擊突厥復逮李罕之中書門下此一相罕之即所謂李摩雲者也初為

浮屠後李克用表為
 中書門下平章事
 校書進至四門博
 士再擢太常卿
 賈島亦登進士榜
 初為僧名無本韓愈
 渠從李白授古樂府
 更為浮屠韓滉表試
 為文遂棄浮屠景
 進士國子祭酒理又立
 徐陵弟孝克有口辨能談立理侯景
 之亂剃髮為沙門改名法整後還俗
 為國子閣門祇候言非誑
 宋青澗僧王守信趨勇善騎射種
 祭酒元昊通和馮延魯去空遯逃
 南唐馮延魯畱守揚州周
 後誘門祇候釋孫景元來會供養
 劉宋時有法畧道人先
 擒送周師世宗釋孫景元來會供養
 為義康所供養與孔熙
 還終中書侍郎孫景元來會供養
 先往來使法畧罷道本姓孫改
 名景元以為臧質甯遠參軍
 而況徐湛之愛湯惠休
 釋惠
 屬文徐湛之與之厚宋孝武命
 阮佃夫薦茹法亮法亮於宋
 使還俗本姓湯官至揚州從事
 出家為道人明帝初罷道結事阮
 佃夫累官齊高帝府冠軍參軍
 青史十七部白髮三千丈
 既已追度牒何又進治狀獨不見襄陽太守明和尚

雜題六言

明月揚州無賴暮雨蘇州不聞我自吹簫來去伍胥杜牧平

分

蕭樓忽開文選名士多於鯽魚不收右軍真蹟卻入少卿僞

書

解印已過芒種催租不待重陽市虎三人可怪鄰雞一月何

妨

萑蒲取子太叔縲紲非公冶長讀史減容票騎傳經折獄公

羊

不毛之地廖立寇氏之子劉封記得先庚後甲還君此始此

終

催科忽書下考抗疏自號中庸紅杏枝頭春鬧紫薇花下冬

烘

謝觀音十一面鐵羅漢五百頭夔屈龍伸頃刻鯢居鮒入春

秋

捉刀風斯下矣銜杯時復中之豈是談嗚張裔可憐畫諾宗
資

梁國自嚇腐鼠葉公不好真龍一局棋詎得爾三語掾將毋
同

知人几案間事乃從屋漏中來牽連郎出郎出斷送于思于
思

文不必長楊賦武不必細柳營人才亦堪令僕中郎何如老
兵

塵垢囊逐文度廓落帶謂子桓摩挲鐘鼎歛識摭掩優孟衣
冠

書孟楷無題詩後卽用其韻

何處山邊有一樓黃金鎖鎖玉鉤鉤分明有句如無句但覺
言愁始欲愁強半詠懷疑昨夜此生得氣近深秋不知寄託
緣何事量到腰圍責到頭
三生冑作食言肥五夜偏教選夢稀辟穀只餐三秀草戒寒
猶御五銖衣醉中繡佛人誰信空處游仙我更非除是鴛鴦
不作客伯勞東去燕西飛

紅雲居接碧雲端歌舞相逢白鳳鸞放雀人歸山路重釣鼈
客去海天寬怱怱欲別楊枝小脈脈無言棗樹酸若向東南
歌日出雞黃樂府曉團圓
巫峽朝雲夢易涼巴山夜雨話難忘碧城寒玉逢蕭史青廓
眞珠下小娘脯乍擗來偏愛鹿漿從乞得便稱鶯依然釧動
花飛處鏡檻香臺卽道場

此四首作于吳門寓樓燈下次日還稿于孟楷又次日而
理棹遂不得書今日坐紅船自潤州渡真州沿江四十餘
里船大風小江平如鏡而舟行頗遲乃取筆硯就船書之
作詩者自有振觸和詩者第弗深攷同臺喫飯各自修行
回視金焦二山皆如鄭公斌媚矣與米老羣山迎快風別
是一般滋味乙亥良月哉生霸收口至黃林港落帆書鐵
雲山人記

余校刊餅水齋集既卒業先生詩尙有詠襄陽太守王樹
勳事所謂和尚太守謠者爲世膾炙而集中弗載頗疑書
闕有聞旣而仲儀復覓得餅水齋詩話寫本卷尾有孤子
昌枚識語稱先生別有乙亥年詩一卷未刻願以搜輯末
由徒事惋歎歲庚寅十一月松生之猶子修甫孝廉偶坐

坊肆睹架皮舊刻餅水齋集試一抽閱則乙亥年詩已編
列第十七卷和尚太守謠一篇固儼然在也喜而見貽迺
併詩話一卷均續付歛刷蓋延津龍劍終久必合文人慧
業理亦宜然刊成附識如左世有嗜先生詩者當同爲拊
掌也光緒辛卯天中節後一日保樞再識於武林寓齋